

SiōngChú Kéngsoán ê Kunông

- 1 Liát pang náē teh chō siaⁿsè?
Bānbîn ná ē teh kèbō khangkhang ê tāichì?
- 2 Sèchiūⁿ ê kunông khiā khí lâi, chiáng koānpèng
ê chòhóe gīlūn,
in beh títèk SiōngChú kah I số boah iûê.
- 3 In kóng, lán tiòh kùn khui in ê khúnpák,
hiatkák in ê khún soh.
- 4 Chē tī thiⁿténg ê teh chiò,
Chú ē kā in sauchhiò.
- 5 Hit sí, I ē tī siūkhì tiong kā in chekpī,
tī I ê tōa siūkhì tiong hō in kiaⁿhiāⁿ.
- 6 Chú kóng, tī Si'óng — Góa ê sèngsoaⁿ,
Góa íkeng siatlip Góa ê ông.
- 7 Siū boahiū ê ông kóng, Góa beh thoântát
sèngchí.
SiōngChú bat tùi góa kóng, 'Lí sī Góa ê kiáⁿ,
Góa kin'ájit seⁿ lí.
- 8 Tùi Góa khúnkiû, Góa tòh kā liát pang hō lí chò
kigiáp;
kā choân tē hō lí chò sángiáp.
- 9 Lí ē ēng thihkoái kā in phahphà,
chhinchhiūⁿ teh kòng chhùi hùikhì.'
- 10 Taⁿ liát ông ah, lín tiòh ū tìhūi,
sèchiūⁿ ê símphòahⁿkoaⁿ ah, lín tiòh siū
kéngkài.
- 11 Tiòh ēng kèngùì ê sim lâi hòksāi SiōngChú,
koh ēng kiaⁿhiāⁿ lâi hoaⁿhí khuthòk.
- 12 Tiòh ēng chhùi chim sèng Kiáⁿ, nā bô,
khíongkiaⁿ I ē siūkhì,

上主揀選 ê 君王

- 1 列邦 ná ē teh 造聲勢?
萬民 ná ē teh 計謀空空 ê tāichì?
- 2 世上 ê 君王 khiā 起來, 掌權柄 ê 做伙議論,

in beh 抵敵上主 kah 祂所抹油 ê。
- 3 In 講: 咱 tiòh kùn 開 in ê 網縛,
hiatkák in ê 網索。
- 4 坐 tī 天頂 ê teh 笑,
主 ē kā in 嘲笑。
- 5 Hit 時, 祂 ē tī 受氣中 kā in 責備,
tī 祂 ê 大受氣中 hō in 驚惶。
- 6 主講: Tī 錫安—我 ê 聖山,
我已經設立我 ê 王。
- 7 受抹油 ê 王講: 我 beh 傳達聖旨。

上主 bat 對我講: 『你是我 ê kiáⁿ,
我今 á 日生你。
- 8 對我懇求, 我 tòh kā 列邦 hō 你做基業;

kā 全地 hō 你做產業。
- 9 你 ē 用鐵柁 kā in phah 破,
親像 teh 損碎磁器。』
- 10 Taⁿ 列王 ah, lín tiòh 有智慧,
世上 ê 審判官 ah, lín tiòh 受警戒。
- 11 Tiòh 用敬畏 ê 心來服事上主,
koh 用驚惶來歡喜屈服。
- 12 Tiòh 用嘴 chim 聖 Kiáⁿ, 若無, 恐驚祂 ē 受
氣,

lín tòh ē tī lǝ tióng biátbông;
inūi l ê nǝkhè chin kín hoatchhut.
Kiànnā oákhò l ê lāng, lóng sī ũ hokkhì ê lāng.

lín tòh ē tī 路中滅亡；
因為祂 ê 怒氣 ē 真緊發出。
見若 óa 靠祂 ê 人，lóng 是有福氣 ê 人。